

Hebraio

Anutugât Nanñande den pat âlepñe maknengiep.

¹ Ulikñân tâmbâñe dondâ Anutuñe hakulup-nenñe makyenjiwerâm âmâ propetelupñe den tiripñe keiñe keiñe makyenjim huñgun yenjimbo sop siân siân makyenjiyi. ² Hain makyenjim gambiâ gambiâ beirâ bâinângen hinñe sop mi-awakto maknengiwiapgât Nanñe huñgun anđo mi-awakmâ maknengiep. Akto ulikñân Anutuñe Nanñe are âmâ wan me wan hârok damunyeñe akbiap dâm hin dâm magañep, “Hâmbâi hân himbim miawakbiap are gâñe damunñe akmâ amboñe akbiat.” dâm magañep. Magañdo âmâ Nanñande hân himbim ketuguep.

Anutugât Nanñande anjelo ewangiyektâp.

³ Akto Nanñe arekñe Anutugât pagalenñan manmap, akto Eweñe olop dopyetñe konok manmandat. Akto Nanñande makto den kârikñe arekñe hân himbim me wan me wan hârok tângombo manmaen. Akto Anutugât Nanñande hânân gem manmâ dosanenñe bo akbiapgât mondo dosanenñe bo akto sumânba agato ekbiâ agatmâ himbimân âgâm himbimgât Amboñe Humo yâkgât bânñe bungen tatmap. ⁴ Âgâ tato Eweñande kot irakñe wañep. Kot arekñe anjelo yenğât kotyeñe ewangiâp. Dop hainâk Anutugât Nanñande anjelo are ewangiyekmap. ⁵ Aregât Anutuñe anjelo siâ hin magañep me? “Gâmâ nânğât Nanne gârâmâ nânñe unjak menğektân.” me hin magañep mon?

“Sop ain, nâ Nannaet nunak Eweŋe bunŋe akbian akto ekmâ Nanne dâwian.” ⁶ Akto Anutuŋe Nanŋe okotŋe akmap are huŋgun aŋdo miawagep sop ain Anutuŋe hin magep, “Anutugât aŋelolupŋande luâk iregât kotŋe mem agatŋet.” ⁷ Akto areâk bo. Anutuŋe aŋelolupŋe yeŋgât keiyenŋe hin magep, “Aŋelolupŋe huŋgun yeŋgim hâkyenŋe mem purikato seru hinare akmai. Dâ hoŋ bawalupŋe hâkyenŋe mem purikato kâlâp ululunŋe akmai.” ⁸ Gârâmâ Nanŋaet keiŋe hin dâep,

“Anutu gâŋgât luâk Kembu tat tat are kârigem âgâm tatbiâp ain âgâ tatbiât. Akto gâŋe luâk âmbâle damunyeŋe manbiatgât huwangande amâ miwindik yekmenâ ârândâŋ akbiapgât tirip towat hinare. ⁹ Akto agak meme âlepŋeâk are egâlianŋmâ âmâ agak meme bâleŋe are kuk heŋgân aganŋmat. Aregât Anutu amâ gâŋgât Anutu yâkŋe heronŋe maronŋe akbiatgât keluŋande puliginŋmâ towatŋe giŋdo gâŋgât kâmotlupge hârok ewangi yekmat.”

¹⁰ Akto den siâ hin,

“Humo, ulikŋân hân korânŋe hârok ketuguen. Akto himbim amâ bâtgande liulien. ¹¹ Gârâmâ hân himbim ketuguyelegen are hâmbâi bo akbiandat. Dâ gâmâ tatmâ manmâ âgâwiat. Hâmbâi sâŋgum tâmbâŋe akmâ tokmap dop hainâk hân himbim tâmbâŋe akmâ bo akbiandat. ¹² Akto gâŋe hân himbim mem ligim katmâ sâŋgum ligimaen hainâk ligim katbiat. Me sâŋgum siâ siâ lugum panmâ panmâ akmaen gâ hainâk panyelekbiat. Dâ gâmâ tatmâ manmâ hainâk hainâk âgâwiat. Akto sopge

hombaŋge bo boakbiap.”

den are âmâ Anutuŋe ikiye nanŋaet magep.

¹³ Dâ Anutuŋe aŋelo siâ hin dâm maganep me? “Gâ bātne bunŋe ain togom tatmenâ gasalupge keigaet amukŋân kâmot katere tâliyekbiat.” Den ya kulengoân are amâ aŋelo yeŋgât bo. ¹⁴ Dâ Anutuŋe aŋelolupŋe huŋgunyeŋgiep kâmot potat yegep are heŋgem yeŋguwaigât huŋgun yeŋgimbo gem hoŋ bawa aknengiwai aregât aŋelolupŋe makyenŋim huŋgunyeŋgiep.

2

Anutugât Nanŋande mem purikatnenegep are amâ bo hâkânŋe akbaen.

¹⁻² Dâ ulikŋân Anutuŋe hakulupnenŋe makyenŋiwerâm aŋelo huŋgun yeŋgimbo gem den bunŋe makyenŋiyi. Makyenŋimbiâ luâk âmbâlneŋe den are hâkân akmâ hamianŋi are Anutuŋe dowâk kuk akyenŋiep aregât bikŋande maknengiyi den are mesokmâ mandenŋe kuk humo metŋe miawak nengiwop dâm launŋe lokom manmâ âgâwaen. ³ Aregât heŋgemnengumap are hâkân akmâ pandenŋe amâ kuk humo arekŋe miawak nengimbo gain gain akmâ âlepŋe arim manbaen? Akto den pat âlepŋe aregât keiŋe Humonenŋe yâkŋe soŋ makmâ miawagep. A hamiŋân den are nânŋâyeŋe imâ bunŋe dâm maknengiyi. ⁴ Hain maknengimbiâ âmâ Anutuŋe, “Nannaet den amâ bunŋe.” dâm aregât kulem keiŋe keiŋe mem mânŋim ikiye Heakŋe yâkgât kâmolânŋen huŋgun aŋdo hanŋaet akmâ meme akyenŋimbo wan me

wan owâine akmâ meyi, are yekmâ Anutugât Nanjaet den bunje dâm nângâm hejgemgoyion.

Yesuê amâ sop tâlâwâk siâ anelo yengât amukjân malep.

⁵ Kepia beirâ miawakbiapgât denje makmaen are âmâ Anutuê anelolupjande âine menjetgât bo magep. ⁶ Aregât siâne hin kulemgoep,

“O Anutu, gâ luâk are wan akmapgât nânganmat? Akto luâkgât nanan wanjaet ekmâ nânganmat? ⁷ Gâ sop pân konok dondâne anelo yâk yengât amukyenân manbiapgât maganjen. Gâ pagaleje kot patjande akmâ hejgemgoanjen. Akto wan me wan bânjande mângiep are damunje ak dâm kalajen. ⁸ Hain dâm maganmenâ hân himbim hârok damunyeje akmâ manmap.”

dâm kulemgoep. Aregât Anutuê wan me wan hârok amukjân kato tâliwiap amâ siâ siâ are akjângen bo tatmap. Gârâmâ den are boâk miawakto ekten. Irawot bunje akbiap, aregât hinje wan me wan siâ nanjaet amukjân boâk manden. ⁹ Dâ Yesu yâk âmâ ekmaen. Yâk sop pân konok dondâne anelo yengât amukjân manmâ momogât hâk hilâlâm nângâm metembo âmâ Anutuê makto pagaleje akto kot pat humo lokom mem mandâp. Yâk Anutuê han kalem aknengiâkgât dâmbo momogât hâk hilâlâm kalakje luâk hârok nengât akmâ nângâep.

Yesu amâ nengât teu mamananje.

¹⁰ O Galalupne, Yesu Anutugât nanje yâkgât siâkâ makbe. Wan me wan ketugum damun

nenne akmap are Anutuŋe, “Nângât kâmot pagalenân katyekbian.” dâm nanne heŋgem nenguwiapgât keiŋe kalep, are hungun aŋdo hâk hilâlâm nângâmbo heŋgem nengu nengugât dâp miawagep, are âmâ ârândâŋ agep. ¹¹ Akto Anutugât nanŋande heŋgem nengumap are akto nen heŋgem nengumap nen amâ Ewenenne konok tatâp aregât dopnenne konok akten. Aregât Yesuŋe nen emi garilupne dâm nengonmâ âmâ nengât bo aŋun aŋgiep. ¹² Aregât hin dâep, “O Anutu nângât emi garilupne gângât kotge makyenŋiwian. Akto kâmot are yeŋgât hutyenân kinmâ kotge mem agatbaen.” ¹³ Akto siâ hin dâep, “Nâŋe biwine Anutugâlânâk katmâ manbian.” dâep. Akto siâ hin dâep, “Anutuŋe yâkgât kâmot niŋdo yâk olop yu kinmâ miawakten.” dâep.

¹⁴ Akto den arekŋe keinenne maknengimap. Nenâmâ Yesugât kâmot akmaen nen hâknenne yu mem manmaen aregât Anutugât Nanŋande Niambi momogât dop damunne are kondere bo agâk dâm aregât luâk hainare akmâ moep. ¹⁵ Hain akmâ âmâ nen momogât dâp hain aregât hamewâkmâ manmâ hâk hilâlâm nângâm gayion nen oloŋ nenekto hamep bo akto biwinenne owâiŋe agep. Are miawagâk dâm moep. ¹⁶ Aregât keiŋe hin. Anutugât Nanne arekŋe aŋelo yeŋgât âi bo miep. Nen Abrahamgât kâmot nen heŋgem nenguwerâm giep. ¹⁷ Aregât kâmotlupne nen manmaen are wan me wan hârok akmâ manmâ giep. Gem âmâ Anutugât sumbe kat kat luâk areyeŋgât humo arekŋe luâk âmbâle yeŋgât dosayeŋe bo agâk dâm soŋgo sumbe katminep, dop hainâk Anu-

tugât nanŋe luâk akmâ okot nânġâ nengim Anu-
tugât launġe hârok lokom Anutuŋe kuk bo agâkgât
sumbe aknengiep. ¹⁸ Hain akmâ âmâ Niambi
dop nengumap ain nen tân nenguwerâm âmâ
luâk akmâ mando Niambi yâkŋe dop kombo hâk
hilâlâm nânġâep. Hâk hilâlâm nânġâepgât nen
Niambiŋe oloŋ nenekberâm akto sop ainâk tân
nengumap.

3

Yesuŋe Mose ewangimap.

¹ O Galalupne Anutuŋe yekto huragumap ye
olop Anutuŋe oloŋ nenekto kâmot konok agion
ye Yesugât keiŋe are Yesu nengât sumbe kat
kat luâk humo akto hoŋ bawaŋe yâkgât den pat
âlepŋe makmaen are ekmâ nânġâm heŋgemgom
âmâ hanyenande bigeimbiâ kârriegiep. ² Moseŋe
Anutugât emetgât âi mem launġe lokom malep
aregât Yesuŋe hainâk âi amboŋande makto launġe
lokom malep. ³ Emet mânġimap yâkgât kot patŋe
agatmap aregât emetgât kot pat ewangimap dop
hainâgâk Yesu agak memenande Mosegât agak
meme ewangimap. ⁴ Akto aregât den dopŋe
makbe. Nen âmâ emet ketugumaen. Dâ Anutuŋe
âmâ wan me wan hârok ketugu nenekmap. ⁵ Dop
hainâk Mose Anutugât emelan damun akmâ siân
den miawakbiap are hârok makyenġimbo Anutuŋe
ekto huraguminep.

Yuda gâtŋande biwi kârik agi.

⁶ Dâ Kristo âmâ Anutugât Nanŋande emet am-
boŋe akmap. Emet amâ nen ire. Akto are yân bo.
Nenŋe Anutugât metenân kârikŋe kinbaengât akto

pagalene miawaknengiwiapgât biwi owâi akmâ manmaengât panâk mem manmâ bo hâkân akbaen âmâ Anutugât emetne akbaen. ⁷ Aregât keine Anutugât Heaknande hin dâep,

“Anutune emelâk makto nângâyi aregât ⁸ unak biwiyene kârikne bo agangim denne hâkân bo akbei. Akto hakulupyene uliknân hân kamitnângen mali ainâk dop yengure hâkânne akmâ laune bo lokoyi. ⁹ Akto kulem keine keine hekat yengim tân yengure homban 40 akto hanâk dâm dop nugum manmini. ¹⁰ Aregât nângâre bâlimbo kuk akyengim hin magân, Yâkne hanyenande sopne sopne gulip akmai akto nângât dâp bo ekmâ nângâm hejngemgoyi. ¹¹ Haingât kuk akyengim den kârikne hin magân, Yâkne nângât manmâ nângâmbiâ biwiyene sândugeâkgât kepia hân ain bo ariwai. Bo kârikne.”

Yudane agi are nângâm hamewakbaen.

¹² Galalupne aregât hin akbei. Yengâlân gâtne biknande hanyenande den pat âlepne are bunne borâm hâkâne dâm Anutu Manman Amboje hamianbâigât damun agangim manbei. ¹³ Hain akmâ âmâ bâlene hianjine yengâlân gâtne siâ hiando han biwi kârikne akbopgât hokboâk hokboâk unak hole miawakmawân ârândân mem kârikne mângim akmâ magangi goangi akmâ makbei. ¹⁴ Akto nen Kristo olop manmâ gayiongât han biwinenne owâimap. Are kilâkgât pânân tinâk mem manmâ aregât horatnân togonegât akmâ âgâwaen. ¹⁵ Akto Heakne magep yu kulemgoân,

“Anutuņe emelâk makto nânġâyi areġât uņak biwiyenande kârikņe bo aġanġim denņe hâkân bo akbei. Akto hakulupyenęe ulikņân hân kamitņân mali ainâk dop yenġure hâkânņe akmâ lauņe bo lokoyi.”

¹⁶ Akto niņema yenġât magep? Akto niņande Anutuņe den makyenġimbo hâkânġ agi? Amâ Israe luâk âmbâle Mosenęe oloņ yekto Aigita hân hep-unmâ hân kamitņânġen ariyi are. ¹⁷ Akto niņema hombaņ 40 bo akto tân yenġumbo hamianġbiâ nânġâmbo bâliep? Are âmâ hainâk bâleņe agi areġât hâuņe hân kamitņânġen mombiâ hâkyenęe ain hambuep. ¹⁸ Akto Anutuņe niņema hin makyenġiep, “Kuk akyenġire biwiyenęe sândugeâkġât kepia hân ain bo ariwai.” dâep? Amâ hin. Anutugât lau bo lokoyi are. ¹⁹ Areġât hin nânġâen. Luâk âmbâleņe biwiyenęe Anutugâlân bo katmâ mali areġât Anutuņe kuk akyenġiep. Hain akto biwiyenęe bo sândugiep. Areġât ye hainâk akbâen dâm biwiyenęe damunņe akbei.

4

Biwinenņe sândugewiapġât kepia.

¹ Akto Anutuņe biwinenņe sândugembo tatmâ hutuk âġawaenġât makmâ kalep areġât nelâm nengiwop dâm âi mem manne. Dâ hain bo akbaen amâ Anutuņe nenekto ârândânġ bo akto hâuņe nengimbo biwinenņe umatņeâk tatmâ âġâwiap, are akbop dâm hamewakne. ² Akto areġât keiņe lâuwânęe makbe. Ulikņân luâk âmbâle hân kamitņânġen manminiân Anutuņe ikiņe keiņe makyenġiep. Hain makyenġimbo biwiyenęe

yâkgâlân bo kali aregât Anutugât denjande bo tânyenjupep are nângâm hejngemgone. Akto nenâkai ulikjân hainâk Anutugât keje bo nângâyion. Gârâmâ haminân maknengimbiâ nângâyion aregât âi humoâk mem manne. ³ Akto nen biwinenje yâkgâlân kalion nen âmâ emelâk biwinenje sândugembo tatmâ hutuk âgâen. Gârâmâ Yuda kâmot hân kamitjângen manmini arekje hain bo agi. Aregât Anutuje magep,

“Haingât kuk akyenjim den kârikje hin magân, Yâkje nângât manmâ nângâniñbiâ biwiyenje sândugeâkgât kepia hân ain bo ariwai. Bo kârikje.” Anutuje hain dêep.

Dâ Anutuje hân himbim katyelekmâ âi mem metem ain âmâ hâk sânduk geâk dâm makmâ kalep. ⁴ Aregât keje Anutuje siân hin magep, “Anutuje hilâm bât biken lâuwâ akto ain yân tatmâ hutuk âgâep.” ⁵ Gârâmâ emelâk kulemgoân ain hin dêep, “Han biwiyenje sândugeâkgât kepia hân ain bo ariwai. Bo kârikje.” Anutuje hain dâm makmâ kalep. ⁶ Akto âmâ hân kamitjângen manmini yâkje den pat âlepje are hâkâj akmâ bo lokoyi aregât bo tatmâ hutuk âgâyi. Hain akbiâ benje luâk âmbâle bikje yâk yengât dumyenân âgâm Anutu olop tatmâ hutuk âgâwaigât dâp miawaktâp. ⁷ Aregât beirâ Anutuje bâindâm Dawidi maganjmâ emelâk kulemgoân are hin dêep, “Anutuje emelâk makto nângâyi aregât unak biwiyenje kârikje bo aganjim denje nângâm hâkâj bo akbei.” dêep a emelâk kulemgoân. ⁸ Dâ ulikjân Yosuanje malep sop ain manman sândukgât Anutuje makmâ kalep are miawagep dâine aregât

kakñân Anutuņe manman sânduk siâkâ bo makmâ katbop. ⁹ Aregât hin nânğâmaen. Anutugât luâk âmbâlelupņe yâk yengât nânğâm manbiâ biwiyenņe sânduge akmâ âgâwiapgât kepia hân tatnengiep. ¹⁰ Anutuņe âi mem mando hilâm bân biken lâuwâ akto ainâk tatmâ hutuk âgâep aregât nen hainâk âi memâk tatmâ mandenņe Anutuņe bân dâmbo manman sânduk âlepņe miawak nengiwip. ¹¹ Aregât Anutuņe manman sândukņe nengiwipgât makmâ kalep are bunņe miawaknengiak dâm âi humo mem hakulupnenņande launņe bo lokoyi aregât Anutuņe makto biwiyenņe bo sândugiep, are nen hainâk akbâen dâm Anutugât lau lokom manbaen. ¹² Amâ wangât? Hingât. Hângât tembe loko amâ tâwât metņe mem ari-mai. Dop hainâk Anutugât den amâ golâ manmanņe akto metņe dondâ. Tembe lokoyengât tâwât amâ metņe arekņe luâk siâgât okot kambiamņe ewum hionmap dop hainâk den metņe dondâ arekņe nânğâ nânğânenņaet biwinenņe akto hannenņe are potatmâ mem miawakmap. Mem miawakto agak memenenņe miawakto den âiân katnenekmap. ¹³ Akto siâ me siâ Anutugât dewunnân tigâk bo yemap. Akto Anutu enemñân kinmâ keinenņe makmâ miawakbaen yâkņe amâ hârok ekto amâ miapñân akto katip bâlâk miawaktenņe ekmap.

Yesuņe sumbe kat kat yâk yengât luâk kautņe malep.

¹⁴ Galalupne, nengât sumbe kat kat luâk humo amâ Yesu Anutugât Nanņe yâk amâ himbimân âgâep. Aregât Yesugât akmâ magion are kârikņe

mem manmâ âgâne. ¹⁵ Nengât sumbe kat kat luâk amâ yânje bo. Yesu sumbe kat kat Humonenje yâkne amâ Anutugât Nanje yâk hânân malewân sop ain Hiangi Amboñande oloñ nenekto bâleñe akberâm akmâ malion ain Yesuñe nâñgâ nengimapgât dâp bo pâp komap gârâmâ bâleñe bo agep. ¹⁶ aregât Anutu ulilañberâm âmâ bo hamewakmâ dowâk yâk ulilañbaen. Akto lumbe tat tatñân tatmap yâkne dowâk okot âlep aknengim damun nenje akmap aregât umatje miawak-nengimboân ain dowâk ulilañbaen.

5

Yesuñe nengât akmâ sumbe âi miep aregât Anutuñe kot humo wañep.

¹ Galalupne, sumbe kat kat luâk areyengât kautlupyene yâk yengât keiyene makyengire nâñgâñet. Anutuñe luâk areyengât hutyenânba mem miawakyekto Anutugât kambiamñe sândugeâkgât luâk âmbâle yengât akmâ Anutugât enemñân kinmai. Kinmâ dosayene aregât sumbe omai. ² Hain akmai gârâmâ yeukñeyenjaet yengumbo aregât luâk âmbâle bikñe Anutugât den lokowerâm pâpkomai yâk yengât okot nâñgâ yengim yeukñe akyengimai. ³ Aregât luâk âmbâle yâk yengât dosayenjaet sumbe akmai. Akto areâk bo. Yenjaet dosayenjaet sumbe akmai. ⁴ Akto yâk ikiñjaet hanñe watmâ âi are bo miep. Bo. Ulikñân Anutuñe sumbe kat kat luâk Aron yâk soñ oloñmâ âi wañdo miep hainâk gam gam sumbe kat kat luâk hârok ikiñak oloñ yekmâ âi yengimap. ⁵ Hainâk

Kristone ikinjet ukenje bo walep. Anutuje ai iregat wanberam den hin daep,

“Gamâ nangat Nanne garâmâ naje unjak mengekân.” daep,

yakje ai are wamâ hungun anep. ⁶ Akto Anutuje Nannjet den siâ hin daep,

“Ulikjan sumbe kat kat luak siâ kotje Melkisede are ai are wandere mem agâep hainak sumbe kat katgat kat gindere sumbegat ai mem agawiat.” daep.

⁷ Akto Yesuje luak akmâ hanan manmâ indem konmâ momogat dawamba olojekben dam yak ulilando biwine yakgalan kalep aregat Ewende nanganep. Amâ Yesuje Anutugat akmâ hamewamâ malepgat Ewende nanganep. ⁸ Yesu amâ Anutugat Nanje garâmâ hak hilalam nangâep. Dâ Ewetaet lau lokomap aregat agak memene miawagep. ⁹ Hain akmâ agak meme arandanjak akmâ nen biwinenne yakgalan katmâ lauje lokomaen nen amâ Yesuje henge nenguwiapgat dap miawagep. Amâ yogan bo. Henge nengumbo manman karikjan manmâ agawaengat. ¹⁰ Akto areak bo. Anutuje sumbegat ai Melkisede wando mem agâep. Hainak Nanje wando mem agâmap. Aregat henge nenguwiapgat bo papkom manmap.

Nen nanaj gurukje yengat dop bo manbaen.

¹¹ O Galalupnenne, nenje Yesugat keije hârok makyengiwaengat ukenje nangâmaen. Garâmâ ondopyene karikje aktai amâ gain gain makyengiweren? ¹² Akto ye dennenne emelak makyengiyion are nangam hengegoyi daine bain hinje yeje luak ambale bikje den kepikmâ

makyenjiwâi. Yengât hin nângâm hilipkoân luâk âmbâle siâ emelâk makyenjiwerâigât sop aktâp dâm makmâ hilipkoân. Gârâmâ hain bo aktâi. Aregât ye nanan gurukne dop hainâk manmai. Namâk nemai. Dâ sot bunne yengiennje gain gain nembai? ¹³ Yengât agak memeyenje aregât den dopne makyengire nângânet. Nanan gurukjande namâk nem manmai akto gam gam sot bunne nemai. Ye dop hainâk hinne nanan gurukne akmai den keijeâk getek getek makyengiennje nângâm hejngemgimai. Dâ Yesugât den patne hârok hejngem nengumbo agak meme âlepneâk miawakmap are makyengiennje bo nângâmai. ¹⁴ Akto nen sot bunne nanan gurukne bo wanmaen. Nanan emelâk nam hepunmâ handâ akto are sot bunne wanmaen. Dop hainâk luâk âmbâle agak meme âlepne me bâlene potatmâ hejngemgom mali aregât nângâ nângâyenje humo agep are âmâ den pat âlepne hârok makyenjimaen.

6

Anutu hamianmâ âmâ biwi purik kat katgât dopne bo tatâp.

¹ Akto Kristogât den keijnânbak lâuwâne bo makyenjiwerân. Dâ hin akne. Han biwi nângâ nângânenne kârikne kilâkgât agak meme âlepne mem mandenne Anutunje nenekto huraguwiap. Akto den keije keije dondâ agak meme momone aregât ye hanyenje purik kato biwiyenje Anutugâlân katbei aregât lâuwâne bo makyenjiwerân. ² Akto hâk biwi puli puli aregât keije lâuwâne bo makyenjiwerân. Akto

bâtnenne kautyenân kalion akto momonânba agatbaen akto Anutuŋe denân katyekto âgâwaigât keiŋe lâuwâŋe bo makyenŋiwerân. ³ Gârâmâ Anutuŋe âlepŋe dâmbô âlepŋe agak memenenŋe huraguâkgât mene. ⁴ Amâ luâk âmbâle bikŋande den pat âlepŋe nâŋgâm himbingât wan me wan ukenŋe nâŋgâmbiâ Heakŋande kautyenân miep are makyenŋienŋe han biwiyenŋe lâuwâŋe purikatbaigât dop bo tatâp. ⁵ Akto Anutugât den aregât ukenŋe nâŋgâm manman kârikŋe aregât ukenŋe nâŋgâyi. ⁶ Hain nâŋgâyi gârâmâ aregât hamiŋân Anutugât hâkân akmai akto Anutu Nanŋande moep aregât hainâk hâkân akmâ yâkgât âi amâ yânŋe dâm nâŋgâmbiâ gembo aregât makyenŋienŋe han biwiyenŋe purikatbaigât dop bo tatâp. Amâ Anutugât nanŋe lâuwâŋe lâwinân moâkgât akbiâ bikŋande ekbiâ gemap. ⁷ Aregât den dopŋe makbe. Hân siân âmâ tânâk âlepŋe gembo hân ambolupŋande sot alekŋe kâmet yekbiâ hân arekŋe tânyenŋumbo sot âlepŋe pâtkowiap. Pâtkombo Anutuŋe meme aganŋo hân ambonŋande âlepŋe manbai. ⁸ Akto hân siâ sot âlepŋe bo pâtkomap ain hewukŋe bâleŋe arekŋeak pâtkomap aregât Anutuŋe sait den makto kâlâpŋe om metewiap.

Yuda gâtŋande âi humo membiâ Anutuŋe nâŋgâmbô huragumap.

⁹ Galalupne, ya kulengoân amâ yenŋe agak meme are ewangimaigât kulengoân. Amâ wan me wan henŋemgo henŋemgo keiŋe are nâŋgâenŋe humo akmâ tân nengumap. Amâ hin. ¹⁰ Ye âi humo mem Yesugât kâmolân gâtŋe okot nâŋgâ

yeŋgim tân yeŋguyi are Anutuŋe nâŋgâmap. Aregât hinŋe akmai. ¹¹ Akto ye agak meme âlepŋe keiŋe keiŋe mem mali aregât hainâk Anutuŋe wan me wan egâlianŋmap aregâlâk ukenŋe ikiŋeâk ikiŋeâk nâŋgâm manmâ âgâwei. Are miawagâk dâm manden. ¹² Aregât Anutuŋe makmâ katmâ hâriep are mem manmâ konam bo akmâ âmâ Anutuŋe hinŋe wan me wan boâk yeŋgiâp aregât bo hâkâŋ akbei. Akto ulikŋân Anutugât kâmolân gâtŋe bikŋe Anutuŋe makmâ kato aregâlâk nâŋgâm bo hâkâŋ akmâ âmâ kili. Hain kinmâ siâ me siâ miawak yeŋgiep aregât nâŋgâmbiâ biwiyeŋe humo agâk. Akto mesokbiâ gewopgât hainâk den are paŋâk mem manmâ âgâwei.

Manman nenŋaet kândârâ kârikŋe tatâp.

¹³ Akto Anutuŋe Abraham aregâlân den dâm makmâ kalep aregât luâk âmbâle siânbaŋe Anutu bo ewangimai aregât ikiŋe kotŋe konmâ wâtŋân kinmâ Abrahamgât hindâm makmâ kalep, ¹⁴ “Hâmbâi âmâ nunak memeneŋe akŋindere âmâ hakulupge dondâ sambelem ariwai.” dâep. ¹⁵ Hain dâmbo Abrahamŋe den are nâŋgâm bo hâkâŋ agep. Aregât Anutuŋe den pat âlepŋe are yâkgât makmâ kalep.

¹⁶ Akto agak memenenŋe hin. Nen mendugum maganŋi goanŋi aktenŋe kâmot lâuwâ akto den bunŋe kârikŋe makberâm âmâ ainâk Anutu ewanginenekmap yâkgât dewunŋân kinden dâm makmâ katmaen. Hain makmâ katenŋe den bunŋe dâm nâŋgâmbiâ den bo akmap. ¹⁷ Aregât Anutuŋe ikiŋe kâmolân gâtŋe nengât den makmâ kalep are Anutuŋe den bunŋe maktâp are bo

bâliwiap dâŋjet dâm ainâk den pat kat katŋe are ikiye kotŋe konmâ agonakmâ magep. ¹⁸ Are dâp lâuwâgât Anutuŋe henengiwiapgât dop bo tatâp aregât nen gulip nenguwop dâm Anutugâlân togom manmâ wan me wan hârok miawak nengiwiap aregât nâŋgâenŋe biwinenŋe humo akbiâp. Are nâŋgâm paŋâk mene. ¹⁹ Anutuŋe den pat kalep aregât nâŋgâm biwinenŋe gulip akto aregât han lâuwâ bo akmaen. Amâ wangât anga hinare. Akto biwinenŋe sândukŋe amâ sumbe emetŋaet sâŋgum hamiŋân ain ariep. ²⁰ Ain âmâ nengât sumbe kat kat kautŋe Yesu arekŋe nengât Sumbe kat kat luâk humo bo mombiap yâkŋe nengât dumnennân kinmâ himbimân Eweŋaelân nengât sumbe kato huraguep. Hain akmâ âmâ Melkisede ulikŋân sumbe kat kat luâk areyengât kautŋe malep yâkgât dopŋân miawagep. Hainâk miawakmâ manmâ âgâwiapgât. Yesuŋe hain agepgât nengât biwi sânduk âmâ himbimân tatmâ âgâwiap.

7

Melkisedegât keiŋe.

¹ Galalupne, luâk kotŋe Melkisede yâkgât keiŋe makyenŋire nâŋgâŋjet. Melkisede âmâ kepianŋe kotŋe Salem aregât luâk kembu akminep. Akto Anutu Humonenŋe kârikŋe yâkgât sumbe kat kat luâk akminep. Akto Abraham ikiye tembe lokolupŋe olop hilâm siân arim kepia siâ siâ are yengât luâk kembulupyenŋe yengum metem purik katbiâ Melkisede arekŋe Abraham are dâwân ekmâ penianmâ maŋganmâ gulam den maganep.

² Hain dâm maŋgando Abrahamŋe wan me wan

talanep are bikne potatmâ Anutugât pat wanep. Akto Melkisede are âmâ kotne purikne amâ hin, “Agak meme âlepne aregât amboņe.” Akto yâkgât kepia kotne Salem kot aregât purikne amâ, “Biwi sânduk aregât amboņe.”³ Akto Melkisedegât eweņe memene me ginbailupne bo miawagi akto ikinje miawagepgât sopne me moepgât sopne bo miawaknengiep. Aregât Anutugât nanne sumbe kat kat hinare ulikņânbak manmâ gaep, hainâk manmâ âgâwiap. Dop hainâk Melkisede amâ sumbe kat kat luâk ulikņânbak manmâ gaep hainâk manmâ âgâwiap dâmaen.

⁴ Akto Melkisede amâ luâk yânne bo. Abraham amâ Israe nengât hakunenne yâkne wan me wan luâk kembu siânba yengât miep are potatmâ Anutugât pat wanep. Aregât Melkisedeņe Abraham ewangiminep.⁵ Akto aregât kakņân Abrahamgât hakune siâ kotne Lewi yâkgât kâmolân gâtņande sumbe kat kat luâk akmini. Akto Mosegât den kârikne are Lewi kâmot gâtne yengât galalupyene Israe luâk âmbâle bikņande wan me wan tat yengiep are potatmâ Lewigât kâmot are yengiyi aregât magep.⁶ Dâ Melkisede amâ Lewigât kâmolân gâtne bo are Abrahamne Anutugât pat wanđo Anutune Abraham makmâ kalep aregât gulam den maganep.⁷ Akto aregât niņande ewangiminep? Luâk arekne âmâ luâk gegene den dâtâne makyengimap. Aregât Melkisedeņe Abraham ewangiminep.⁸ Akto unak nengât sumbe kat kat luâk wan me wan tatnengiep, are potatmâ bikne yengimaen are âmâ luâgâk aregât momogât dop miawak yengimbo momai. Dâ

uliknân Melkisede amâ wan me wan biken mem-
 inep are momogât dop bo miawagep aregât amâ
 Melkisedeje sumbe luâk bikne ewangi yekminep.
 9-10 Akto areâk bo. Lewigât kâmot are boâk mi-
 awagi ainâk Abraham Lewigât hakuje arekne
 Melkisede wan me wan wanep. Aregât Lewi
 hainâk Abrahamgât kâlegen gâtne malep arekne
 dop hainâk wanep dâmaen.

*Sumbe kat kat luâk tâmbâje mali amâ âiyeje
 âlepje bo.*

¹¹ Galalupne, Lewigât kâmolân gâtne sumbe kat
 kat luâk akmini arekne den kârikne luâk âmbâle
 bikne makyengimini. Hain akmâ sumbe kat-
 biâ Anutuje nenekto huragumap dâine sumbe
 kat kat luâk siâ Melkisede hinare bo miawak-
 bop. Akto Lewigât kâmot âi are membiâ ain
 agak meme âlepjeâk membaen aregât dâp mi-
 awak nengiep dâine Arongât kâmot âi hainâk mem
 âgâwâi. ¹² Aregât sumbe kat katgât âi tâmbâje are
 dâp tato irakne siâ miawakto amâ tâmbâjaet den
 kârikne hainâgâk dâp kalaŋdo irakne siâ miawak-
 biap. ¹³ Hain akbiapgât bunje amâ Yesu Lewigât
 kâmolân gâtne bo. Yâk amâ Yudagât kâmolân
 gâtne gârâmâ Yudagât hakulupje amâ sumbe kat
 katgât âi bo meyi. ¹⁴ Akto Kembunenje Yudagât
 hakulupje yâk yengâlânba miawagep. Aregât hin
 nângâmaen. Yudagât kâmotlupjande sumbe kat
 katgât âi aregât Mosenje bo magep. ¹⁵ Aregât
 keije siâ gai miawakmâ heŋgemgoâp. Hingât.
 Sumbe kat kat aŋgâ siâ Melkisede yâkgât dopnân
 miawagep aregât Yesuje Sumbe kat katgât âi
 mendo ârândân agep. ¹⁶ Yâk amâ hakujaet kotje

aregât dopnân bo miawakmâ sumbe âi miep. Bo dondâ. Yâk âmâ manman kârikjaet bo boakbi-
apgât kârikneje akmâ manmâ sumbegât âi miep
akto mem manmâ âgâwiap. ¹⁷ Aregât Anutuje hin
dâep,

“Uliknân sumbe kat kat luâk siâ kotne Melkisede
are âi wanjere mem âgâep hainâk sumbe kat
katgât kat ginjere âi mem âgâwiat.” dâep.

*Yesuje Melkisedegât dop hainâk akmâ sumbe âi
mem mandâp.*

¹⁸⁻¹⁹ Akto Mosegât den kârikjande agak meme
âlepne mem manmaengât kârikne bo nengiep.
Akto bo tân nenguep, aregât Anutugât den
irakjande Anutugâlân ariwaengât dâp miawak
nengiep, are nângâenne biwinenne humo akmap.
Amâ uliknângât ewangimap. ²⁰ Are amâ yân
bo. Amâ Anutuje ikinje kotne konmâ makmâ
kalepgât. Uliknân Lewigât kâmolân gâtne yâkne
sumbegât âi membaigât amâ Anutuje den yânne
makmâ kalep. ²¹ Dâ hinne amâ Anutuje Nanne
sumbegât âi wanjerâm âmâ ikinjaet wâtjnân kinmâ
makmâ kalep aregât hin magep,

“Humone wâtjnân kinmâ han lâuwâ bo ak-
biapgât hin makmap. Sumbegât âi mem
âgâwiat.”

²² Aregât Yesuje âi âlepne mendo den pat
irakjande miawak nengimbo tatmâ âgâwiap
arekne Mosegât den kârikne are ewangimap.

²³ Akto areâk bo. Lewigât kâmolân gâtne
sumbegât âi meyi are amâ luâk dondâ. Amâ
moyi ainâk nananjlypenjande dumyenân kinmâ âi

memân moyi hain akmâ gambiâ gambiâ yu mi-awagi. ²⁴ Dâ Yesu âmâ bo mombiap aregât sumbegât âi memâk memâk manmâ âgâwiap. ²⁵ Aregât hokboâk hokboâk nennje Yesu nengât dumnennân kilep dâm Anutugâlân arienne âmâ Yesune nengât Anutu ulilando Anutune Yesugât âlepjaet akmâ aregât dowâk heŋgem nengum âgâwiap.

Yesune sumbenne katmâ heŋgemgoep.

²⁶ Sumbe kat kat Humonenne yâk âmâ ârândân akto dosa bâlâk akto wan me wan mendo Anutune ekto ârândân akmap akto luâk âmbâle bâleŋe akmai yâk yengât tiriwân bo manmap akto himbimân âgâm ewangim âgâepgât mandâp. Hain mannengimbo ârândân aktâp. ²⁷ Dâ sumbe kat kat luâk âmâ hânân manmai arekne hokboâk hokboâk yenjaet dosa are bo agâkgât sumbe ombiâ bo akto hamiŋân luâk âmbâle yengât sumbe omai are âmâ Yesune hain bo akmap. Yâkgât dosa bo talaŋmap aregât ikinjaet sumbe bo omap. Akto nengât dosa bo agâkgât hilâm konok nengât sumbe akmâ moep aregât hokboâk hokboâk bo akmap. Lâuwâne âi bo talaŋdâp. ²⁸ Akto Mosegât den kârikne arekne luâk yeukne mem sumbegât âi yengiep. Gârâmâ Anutune den kârikne makmâ kato bo bo agepgât Nanne sumbegât âi waŋdo bo mom âmâ âiâk memâk memâk âlepjeâk manmâ âgâwiap.

8

Yesune egon sumbe opmân bunne ain âine memap.

¹ Akto yu kulengoân aregât keiŋe amâ hin. Nengât sumbe kat kat luâk amâ Humogât tat

tatnje himbimân manmap aregât bungen manmap
² Yesu arekne Sumbe kat kat uligi luâkne ketuguyi
 ain âi bo mem manmap. Yâk âmâ himbimân Anu-
 tunje ketuguep ain âi mem manmap. ³ Akto sumbe
 kat kat luâk hârok Anutunje meme akyengimbo
 wâtjnân kinmâ okot âlepgât akmâ sumbe kat katgât
 âi memai aregât Anutugât Nanjande hainâk wan
 me wan Anutu wanmapgât bâlâk bo manmap.
⁴ Dâ Yesu hânân mandâp dâine sumbe kat kat bo
 manbop. Hânân den kâriknegât dopjnân sumbe
 ogoğât luâkne âlepne manmâ sumbegât âi mendâi.
⁵ Âiyene âmâ sumbe opmân yânne ain âi memai.
 Dâ sumbe opmân bunne amâ himbimân tatâp.
 Mosenje sumbe kat kat uligi mângiwêrâm akto Kem-
 bunje hin maganep, “Nângât. Gimbânân sumbe
 opmân himbimân tatmap aregât towatnje hekat-
 giñân aregât dopjnân siâ me siâ hârok are hânân
 mângiwen.” ⁶ Dâ Yesunje âmâ dewatiak dewatiak
 âgâ âgânaet sumbegât âi humoâk memap. Amâ
 hingât. Anutunje Yesugât akmâ den pat âlepne
 makmâ hâriep arekne Mosenje makmâ kalep are
 ewangimap.

Dewatiak dewatiak iraknaet den.

⁷ Akto Mosegât den kârikne arekne wan me wan
 hârok âlepneâk mem miawagep dâine Anutunje den
 pat irakne bo makmâ katbop. ⁸ Gârâmâ Anu-
 tunje Mose magando den kârikne kulengoep are
 ekmâ hârok âlepne bo mem miawagep den pat are
 nângâm irakne âlepne makmâ kalep aregât keñe
 Anutunje hin magep,
 “Humone hin dâep, “Siân Israe kâmot akto Yuda
 kâmot are yengâlân den pat âlepne irakne

makyenjiwian. ⁹ Uliknân Israe luâk Aigitawa oloņ yegân are den pat âlepņe makyengire den pat aregât hâkân akmâ loņgaiyi aregât nâkai yengât hâkân agân. Den kârikņe ain kalân amâ hainare bo. ¹⁰ Imâ den âlepņe irakņe sop are bo aktoân Israe kâmot yengâlân makmâ hârewian. Siân den pat irakņe âlepņe ire han biwiyenân totokom katere kepikmâ bigeim kinbiap. Hain akmâ damunyeņe akmâ tân yenguwian. Akto nâņe amâ yengât Kambu akto ye amâ nâņgât kâmot akbai. ¹¹ Akto sop ain siâne siâ bo hâwâtbiâp, “Humo nâņganben.” dâm maganbiâp. Hain bo. Sop ain âmâ luâk âmbâle hârok âgâ âgâņe gegenē nâņgâ niņbai. ¹² Hârok nâņgâ niņbiâ bâleņeyeņe aregât yaiwâk akyengim dosayeņe bo oyaņmâ nâņgâm manmâ âgâwian.” Humoņe hain dâep.”

¹³ Aregât keiņe amâ hin. Anutuņe den pat irakņe dâm magep aregât den pat tâmbâņe are bo agâk dâm makmâ kalep. Aregât den pat tâmbâņe amâ emelâk bâliep akto siâ me siâ torokmâ bâlimap hainâk arekņe bo akberâm aktâp.

9

Sumbe kat kat uligi aregât keiņe.

¹ Akto den kârikņe tâmbâņe amâ siâ siâgât hârok Anutuņe keiņe makyengiep. Akto uligi kâlegen âgâm âmâ ikeņe kotņe mem agatņetgât hekatyengiep. Akto hângât emetgât makmâ hâriep. ² Akto sumbe kat kat uligi aregât keiņe hin. Ulik gulik amâ mâron humo panmâ emet mângiyi. Aregât kâlegen amâ pagaleņe kat kat siâ akto sot

Anutugât enemñân katmai are me wan me wan Anutu kotņe mem agatbaen dâm kali. ³ Akto emet kom hâre hâreņe siâ talep amâ sângum kâkâlep aregât hamiñân Anutuņe ekto ârândâņ agâkgât welamņe. ⁴ Ain sumbe ogoġât kat katņe goliņe mângiyi are talep. Akto dewatiak dewatiak gât emetņe goliņe mângiyi are akto Arongât huwan momoņe kâmņe gam golâ agep are akto kât papaņe Anutuņe ain den kârikņe kulemgoep are hârok talep. ⁵ Akto Anutugât pagaleņe miawakbiapgât aņelo dopņe lâuwâ kotņe Kerubim ain kiliat. Arekņe Anutuņe gem manġan nenekmap welam aregât damunņe agiat. Akto wan me wan yu kulemgoân amâ hinņe keiņe hârok makyenġiwerengât dop bo tatâp.

Sumbe kat kat luâk ulikñân mali yenġât âi amâ bunņe bo.

⁶ Dâ kom hâre hâreņe siâ ain Lewigât kâmolân gâtņe wan me wan are katbiâ kindo amâ hokboâk hokboâk sumbe kat kat luâk poņ kâlegen âġâm bam gutmâ Anutu okot âlepgât wan me wan ulilaņmini. ⁷ Gârâmâ uligi kâlegen are âmâ sumbe kat kat luâk areyenġât kautņeyeņe konok arekņe hombaņ konok kâlegen amâ hilâm konok ain âġâm ikiņe dosaņe bo agâkgât akto Israe luâk âmbâle dosayeņe bo agâkgât soņġo ġilâmņe mem âġâm Anutugâlân waņminep. ⁸⁻⁹ Aregât keiņe amâ Anutugât Heakņande maknengimbo hin nânġâen. Uligi kilewân amâ luâk âmbâle Anutugâlân hanâk bo âġâmini nânġâen. Akto sumbe kat kat luâk arekņe sumbe me wan me wan Anutugât okot âlep agaņmini are ekmâ luâk âmbâle hârokņe hin

dâyi, “Wei, ire âmâ hângât me hâk puli puligât me sotgât aregâlâk tângomap. Dâ han biwinenye amâ bo tângomap.” dâm nângâmbiâ biwiyenye bo sândugiep. ¹⁰ Amâ yogannaet pat. Yoganne aregât benye sotgât me tugât me hâkne puli puligât. Akto agak meme irakne miawakbiapgât miawagep.

Yesunje ikinje gilâmñande hâukonenegep arekne bunje aktâp.

¹¹ Hainâk hainâk manmâ gambiâ Anutunje bân dâm Nanne Kristo are hunğunaŋdo sumbe kat katgât âi luâk bunje miawagep. Hain akmâ manmâ hângât sumbe kat kat emetne ketuguyi ain bo âgâm sumbe kalep. Bo. Wan me wan âlepne miawakbiap aregât sumbe akmâ opmân bunje tiripne siâ ain âgâep. ¹² Ain âgâm âmâ hilâm konogân Anutugât enemñân bam âmâ nâniñ akto makao nanne soŋogât gilâmne bo miep. Amâ ikinjaet gilâmne waŋdo nen henjem nenguwiapgât dâp miawak nengiep. Are manmâ âgâwiap akto bo bo akbiap. Bo dondâ. ¹³ Dâ makao âmbengen kâmne aregât hâkne om derembiâ kau akto soŋo makao nâniŋgât gilâmne olop hâk yene puliâkgât sumbe luâkne lapyunğuminep. Lapyunğumbo sumbegât emetñân âgâmini. ¹⁴ Gârâmâ Kristone gembo Anutugât Heak âgâm yembiap arekne memene agaŋdo ikinjaet gilâmne are sumbe dâm kato Anutunje ekto huraguep. Arekne han biwinenye pulimbo nen wan me wan mendenne bâlimap aregât umatne bo akto âmâ Anutu amâ manmangât amboŋe yâkgât âi mem manmâ âgâwaen.

¹⁵ Aregât Kristone dewatiak dewatiak irakñaet miawagepgât Anutu akto nen hutnenñân kilep.

Kinmâ dewatiak dewatiak tâmbânje hârienje dosanenje miawaknengiep are bo agâkgât moep. Aregât akmâ Anutuñe kepilânenekto manden nen manman kârikñaet bāt samut menegât welamenñân kinmâ moep.

¹⁶ Bāt samutgât amâ hin yendâp. Amboñande mondoâk âmâ memaen. ¹⁷ Dâ amboñande golâ manmawân âmâ bāt samutñaet magep aregât den yân yembiap. Dâ mondoân âmâ den are bunje miawakmap. ¹⁸ Dop hainâk Mosegât den kârikñe are Anutuñe makto miawakto ainâk sonjo gilâmñe gembo mondo den kârikñe are hamepñe olowâk miawagep. ¹⁹ Akto Moseñe den kârikñe are luâk âmbâle makyenjimbo nânğâmbiâ kârikñe agâk dâm akto añe hewukñe esenje siâ akto yo hâkñe siâ arekñe mem tu akto sonjo gilâmñe lapyungum luâk âmbâle hârok akto den kârikñe kulemgoep are lapkombo gilâm agi. ²⁰ Hain akto hin dâm makyenjiep, “Anutuñe makmâ kalep are kârikñe agâkgât gilâm yu lapkoân ire ekmâ nânğâm heñgemgowej.” ²¹ Akto Moseñe hainâk lapkombo uligi are akto wan me wan kâlegen Anutugât akmâ katbiâ talep are gilâmâk hârok akmâ metiep. ²² Akto aregât den kârikñe tâmbânje arekñe talewân ainâk yo kombiâ mondo gilâmñe lapkombiâ dosayenje bo agep. Dâ gilâmñe bo lapkombiâ dâine âmâ dosayenje tatmâ gawop.

Yesuñe dosanenje bo agâkgât hâukonenegep.

²³ Akto yu kulemgoân amâ himbimân tatmai aregât towat otneyenje bunje bo are yengât bâleñe ariâk dâm Moseñe gilâm lapkombo ârândân agep. Dâ himbimân wan me wan bunje dondâ are

ârândân agâkgât gilâm yânne amâ lapkombiâ dâine ârândân bo akbop. ²⁴ Aregât Kristone uligigât otneņe are akmâ âi luâkņe uligi ketuguyi ain bo âgâep. Akto himbimân uligi bunņe ain âgâm nengât dumnennân kindo Anutuņe ekto âlepņe dondâ akmap. ²⁵ Akto ain hokboâk hokboâk gilâmņe bo waņmap. Hilâm konok kâlegen gilâmņe kâimbo ârândân agep. Dâ sumbe kat kat luâk are yeņgât kautņeyeņe arekņe soņgo gilâmņe kârikņe bo aregât homban ârândânâk ikiņe gilâmņe bo mem âgâ kâiminep. ²⁶ Dâ Kristo âmâ hain bo agep. Hain akmâ dâine ulikņânbak hâk hilâlâm hokboâk hokboâk nâņgâm gawop. Dâ yâk âmâ hain bo agep. Yâkņe âmâ hinņe sop bâiņe tâlâgumbo ain miawakto dosa bunewâk bo agâk dâm ikiņe hâkņe arekņe sumbe agâk dâm hilâm konogân kâinengiep. ²⁷ Akto Anutuņe hilâm konogân bâin dâmbo mondenņe sop ain denân kat nenekbiap ²⁸ dop hainâk Anutuņe hilâm konogân luâk âmbâle dondâ are yeņgât dosa bo agâk dâm Kristo wâtņe agaņdo moep aregât Kristone lâuwâņe miawakmâ dosanenņe lokombo bo akbiapgât bo gewiap. Bo dondâ. Aregât nenņe togowen togowen dâm aregât ukenņe nâņgâm etemgom konmâ oloņmâ mandenņe nen bunewâk heņgem nenguwiapgât gewiap.

10

Den kârikņæet amukņân sumbe kali amâ bunņe bo.

¹ Den kârikņe amâ yân beirâ bunņe miawakbiapgât patņe yânņe aktâp. Dâ bunņe

dondâ bo. Aregât sumbe kat kat luâk yânje den kârikje lokom hombanje hombanje sumbe katmai arekje Anutugât mepainje agañmai yâk âlepje biwi kau bo meyekmap. ² Akto dosayenje bunewâk bo agep dâine sumbe kat kat luâk arekje âi are hepunmâ sumbe siâ bo katmâ âmâ yân manbâi. Akto dosayenjaet nelâm yenjimbo biwiyenje sândugewop. ³ Gârâmâ hombanj ârândân sumbe kat kat luâk kautjande sumbe memberâm ⁴ nâniņ me bulimakaogât gilâmje are mem uligi kâlegen âgâm kato dosayenje bo agepgât dâp bo talep aregât dosayenjaet nânġâmbiâ biwiyenje umatje tatoâk mali.

⁵ Akto Kristo hânân miawagep ain hin dâep, “Gâ Anutu, gâ songogât gilâmje aregât ukenje bo nânġâmat. Dâ hâkne henġemgoniņen. ⁶ Akto songo hâkje ombiâ aregât bunje bo dâmat. Akto sumbe katmâ ombiâ ukenje bo nânġâmat. ⁷ Ain âmâ hin dân. O Anutu, wan me wan makmenâ kulemgoyi aregât denge lokom ukenge akmâ mem metewiangât togoân.” dâep. ⁸ Den aregât keiņe hin. Kristoje âmâ hânân miawakmâ Ewenjaelân magañep, “Gâ songogât gilâmje kâimai me hâkje omai aregât ukenje bo nânġâmat. Songo hâkje ombiâ aregât bunje bo dâmat. Akto sumbe katmâ ombiâ ukenje bo nânġâmat.” dâm magep. Amâ den pat kârikje tâmbâje makto kali. ⁹ Kristoje den siâ hin dâm dewatiep, “Denge lokom ukenje akmâ mem metewiangât togoân.” dâep. Hain dâm âmâ den tâmbâje are urulep. Dâ den pat irakje are mem kârigiep. ¹⁰ Areâk bo. Yesu Kristoje ikiņe hâkje mem Anutugât sumbe dâm sop konogân

wan̄do ârândân̄ agep aregât agak meme âlep̄ne mem manmâ âgâwaengât dâp miawak nengiep.

Dâ Yesu amâ sumbe bun̄e dondâ kalep.

¹¹ Galalupne, aregât lâuwân̄e makbe. Sumbe kat kat luâk̄ne hokboâk hokboâk âiyen̄e mem sumbe omâk akmâ manmai arek̄ne dosanen̄e bo boagep. ¹² Hain agi aregât âmâ Kristo hilâm konogân sumbe konok kato Anutun̄e ekto ârândân̄ agep. Hain akto âin̄e bo akto Anutugât bân̄ne bun̄gen tatmâ mandâp. ¹³ Mandâp aregât siân Anutun̄e nan̄jaet gasalup̄ne yen̄gumbo yeuk̄ne akbiâ Yesun̄e damunen̄e akmâ tâliyekbiapgât lângom tatmap. ¹⁴ Akto ikin̄e kâmot nengât huragun̄etgât ikin̄e hâk̄ne mem Anutugât sumbe dâm wan̄ep. Wan̄do Anutun̄e nenekto huraguep. Huragumbo âmâ Kriston̄e tân̄ nengumbo agak meme âlep̄ne mem manden̄e sumbe kat katgât âi bo agep. ¹⁵ Akto aregât kein̄e Anutugât Heak arek̄ne bun̄ne agâkgât hekat nengiwerâm hin magep,

¹⁶ “Humon̄e hin dâep, Siân den pat irak̄ne âlep̄ne ire han biwiyen̄ân̄ totokom katere kepikmâ bigeim kinbiap.”

¹⁷ Akto siâ hin,

“Dosayen̄e bo oyan̄mâ nân̄gâm manmâ âgâwian.”

¹⁸ Den aregât kein̄e amâ dosanen̄e bo oyan̄biapgât dâp miawaknengimbo âmâ ben̄ne sumbe kat katgât luâk̄ âiyen̄e bo agep. Lâuwân̄e bo membriap.

Yesun̄e sumbe âi miepgât nen Anutugât enem̄ân̄ owâi akmâ bam ulilan̄baen.

¹⁹ Galalupne, Yesugât hepn̄ande hân̄gi menengiepgât yâkgât opmân̄ kâmbok̄n̄ân̄ âgân̄egât

owâiâp. ²⁰ Aregât dâp irakņe manmanņe mem owâinenegep. Aregât dâp miawagâk dâm hâkņande âgâwâigât pekeņe hârembo dâpņe miawaknengiep. ²¹ Aregât akmâ sumbe kat kat humo Anutugât opmân bunņe kautņe akmâ mannengimap. ²² Aregât hamep bo akmâ dosanenņe bo agep dâm Anutugâlân arim biwinenņe Yesugâlân katenņe kindo nâņgâenņe biwinenņe sândugemapgât Anutugâlân arine. Hain manmaen aregât wan me wan umatņaet memenņe biwinenņân katberâm miawakto ain nen Yesugât kâmolân manmâ âgâwaen dâyion are nâņgâenņe biwinenņe humo agep. Akto sumbe kat kat luâk kautyeņe are galalupyenande tu puli agaņmini nen dop hainâk tu bunņe puli nengiep. Aregât Anutugâlân arim den nâņgâenņe bunņe akbiap. ²³ Humo Anutuņe wan makmâ hâriep arekņe den are bâliwiapgât dop bo tatâp aregât den maktenņe biwinenņe sândugiep are mem hâk hilâlâm nâņgâm âgâm manbaen. ²⁴ Hain akmâ manmâ mendugum kinmâ gain gain biwinenņe kârikņe ketuguenņe kilâkgât akto agak meme âlepņe mem okot âlep agaņbaengât are nâņgâm henņemgom tân aguwaen. ²⁵ Dâ luâk âmbâle bikņe bo mendugum kinmai. Dâ nen âmâ hain bo akbaen. Mendugum kinmâ sop humo tâlâguwerâp dâm biwinenņe tân aguwaen.

Den pat âlepņe nâņgâm âmâ bâleņe aktenņe dosanenņe lâuwâņe miawakbopgât hamep akbaen.

²⁶ Gârâmâ den pat âlepņe nâņgâm henņemgoyion amâ beirâ agak meme bâleņe aregât ukenņe nâņgâm agak meme bâleņe membaen aregât dosanenņe bo agâkgât sumbe bo tatbiap. Bo

dondâ. ²⁷ Hain aktenņe âmâ Anutuņe denân katnenekto kâlâwân manmâ âgâwaengât dop miawakbiap. Akto Anutugât gasa are kâlâpņe oyekbiap. ²⁸ Aregât hin makbe. Luâk âmbâle siâņe Mosegât den kârikņe loņgaimbo luâk âmbâle siânba lâuwâ me âlâwu arekņe ekmâ keiņe makmâ miawakbiâ humomolupyenande luâk âmbâle bâleņe agep are okot bo nânğanmâ kombiâ moep. ²⁹ Dâ hinņe luâk âmbâle siâņe Anutugât Nanņe yâkgât hâkâņ akmâ den pat âlepņe aregât keiņe amâ Yesu yâkgât gilâmņande henņem nenguep aregât hâkâņ akmâ Anutugât Heakņe damun nenņe akmâ okot âlep aknengimap are hepulep luâk âmbâleņe hain akto âmâ Humonenņande kondo hâk hilâlâm humo dondâ nânġâm âgâwiap. ³⁰ Luâk âmbâle hain akbai aregât Anutuņe hin dâep, “Nâņe bâleņe yeņaet dosa aregât hâuņe yeņgire umatņân manmâ âgâmbiâ ârândâņ akbiap.” dâep. Akto den siâ hin dâep, “Humoņe ikiņe luâk âmbâle den âiân katyekbiap.” dâep. ³¹ Akto areâk bo. Anutu Manman Amboņande den âiân katyekto hâk hilâlâm hamepņe olowâk nânġâm manmâ âgâwai aregât yâkgâlâk hamewakmâ manbei.

Âi humo mem hâk hilâlâm nânġâm manbaengât bo hâkâņ akbaen.

³² O Galalupne, nânġâi? Ye ulikņân den pat âlepņe nânġâmbiâ biwiyeņe âgâmbo âi humo mem hâk hilâlâm nânġâyi. Amâ bo hâkâņ agi. ³³ Akto gasalupyene togom luâk âmbâle dewunyeņân kat yekbiâ kinbiâ bugâņe yeņgum giriņyeņgiyi. ³⁴ Akto miti gasaņande galalupyene bâleņe mânġiyekmâ

kala busi kâlegen kat yekbiâ kili are yeŋe okot nâŋgâ yeŋgim tânyenŋuyi. Akto areâk bo. Miti gasa arekŋe puli me wan me wan tatyenŋiep are kâmbu meyi sop ain nen hâmbâi iregât hâuŋe âlepŋe kârikŋe himbimân tatnengiâp dâm heronŋe agi.

³⁵ Aregât Anutu nânŋanbiâ biwiyenŋe sândugiep aregât bo hâkânŋ akmâ panmâ âmâ hâuŋe âlepŋe humo membai. ³⁶ Âmâ siân hâuŋe bâlâk manbâen dâm biwiyenŋe Yesugâlânâk kilâkgât âi humo mem hâk hilâlâm nânŋâm hanâk Anutugât lau lokom manbei. ³⁷ Aregât lâuwânŋe makbe. Anutuŋe hin magep,

“Hâmbâi sop getek manmâ nânŋât honŋ bawa huŋgun anŋdere dowâk miawakbiap. ³⁸ Akto hinŋe nânŋât luâk ârândânŋâk manmanŋe amâ nânŋânŋido manmanŋe miawaganŋbiap. Hain. Gârâmâ yâk âigât hâkânŋ akmâ hepun nekto âmâ ekmâ bo heronŋe aganŋbian.”

³⁹ Akto nen âmâ aregât kâmolân gâtŋe bo. Yâk âmâ hâk hilâlâm aregât hamep akmâ Anutugât âi hepunbiâ Anutuŋe makto gulip akbai. Dâ nen âmâ hain bo akbaen. Nen âmâ biwinenŋe Anutugâlân kilâk dâm nânŋâm mandenŋe Anutuŋe otnenenŋe membiap.

11

Biwi kat katgât keiŋe.

¹ O Galalupne, nen biwinenŋe Anutugâlân kilâk dâm nânŋâm manbaen aregât keiŋe makyenŋgire nânŋânŋet. Biwi kat kat keiŋe amâ hin. Wan me wan bo egekŋe are bunŋe miawak nengiwiap

aregât nânġâm han konogâk manbaen. ²⁻³ Akto nenne biwinenne Anutugâlân kalion aregât Anutu bo egekne arekne wan me wan mendo hân himbim egekne miawagep are bunne dâm nânġâmaen. Akto Anutugât kâmot ulikġân biwiyene Anutugâlân kali are Anutuġe yekmâ âlepne dâep.

Abe, Enoko akto Noa yengât den.

⁴ Aregât yâk yengâlân gâtne siâ Abe yâkne biwiġe Anutugâlân kalep aregât sumbe ondo Anutuġe âlepne dâm nânġaġep. Nânġaġdo Abegât teuġe Kaiġ arekne biwi kat katgât keiġe hâkâġ akmâ sumbe yân ondo Anutuġe ekto âlepne bo agep. Aregât teuġande emiġe kondo moep. Amâ emiġande biwiġe Anutugâlân kalep aregât. Aregât pat nânġâm nen hin dâmaen. Abe moep gârâmâ yâkgât biwi kat katgât keiġe arekne maknengimap.

⁵ Akto hamiġân luâk siâ kotne Enoko yâkne biwiġe kalep are Anutuġe ekto huragumbo aregât bo mombiap dâm oloġdo hâkdâk tiġ tiġâk âgâep. Aregât galalupġande Enoko yâtendâm undâgâtbiâ bo agep. ⁶ Akto luâk âmbâle bikġande hanyenande Anutu bo nânġaġmai âmâ Anutuġe yekmâ herone bo akmap. Dâ Anutu mandâp bundâk nânġâm henġemgomaen akto hannenġande kulâgâlâġmaen nen hâuġe âlepne nengiwiap dâm nenġeak yâkgâlân togone.

⁷ Akto hamiġân Noa hainâk biwiġe Anutugâlân kalep aregât Anutuġe wan me wan miawakbiap aregât maganġdo dowâk sân sân mem kâmotlupne bâliwâen dâm wanġa ketuguep. Yâkne hain akmâ luâk dosayenâet keiġe mem miap palepgât akmâ

Anutu nânğanmâ dosa bâlâk agak aregât bunne amboņe agep.

Abrahamgât den.

⁸ Akto hamiņân Anutuņe Abrahamgât makmâ kalepgât maganđo bunņerâm biwiņe katmâ âlepņe hân niņbiat dâm hân siângen bo ekminewângen ain ariep. ⁹ Akto hân are mem miawakmâ biwi kat katgât Anutuņe hakulupge in manbei dâep are bunne dâm hân ain yogan manmâ emet bunne bo mâron uligiâk panmâ yem malep. Akto nanņe Isaka akto bâgiņe Yakobo yâkņe hainâk uligi mâron uligiâk are panmâ maliat. Akto Abraham akto Isaka akto Yakobo Anutuņe makmâ kalep den konok are amâ nengâlân miawakbiap dâm nânğâm mali. ¹⁰ Akto Abrahamņe Anutu bunņeâk makmap dâm nânğâep aregât Anutuņe kepia âlepņe himbimân kalep ain amâ bunne dondâ ain manbaen dâm nânğâep. ¹¹ Akto Abrahamgât âmbenņe kotņe Sara yâkai hainâk biwiņe Anutugâlân kalep. Aregât Anutuņe gâņe nanan membiat dâm maganņep are nânğâmbo bunne akto sâmbâ akmâ ain nanan miiep. Amâ makmâ kalep yâkņe amâ bunne dâepgât. ¹² Akto luâk konok kâmotlupņe manmâ sambelem gam gam yu miawakten. Amâ diâ himbimân tatâi dop hainâk me nupi harugât ginņân tatâp dop hainâk. Gârâmâ Abrahamņe sâmbâ akmâ ain nanņe Isaka miiep. Yâk âmâ emelâk momaen sopņe ewangiep ain Isaka miiep.

¹³ Luâk yu yeņgondân arekņe Anutu nânğanmâ manmâ âmâ mom meteyi. Amâ siâ me siâ Anutuņe makmâ hâreyeņgiep are bunņerâm

indâgen anġângen yendo ekmâ mepainę mem herone mali. Dâ bo meyi. Hain akmâ areġât keiņe hin nânġâyi, nen hânân lombo akto yogan manden dâyi. ¹⁴⁻¹⁵ Luâk âmbâle arekņe hân ireġâlânâk nânġâyi dâine purik katmâ hân ulikņân ġâtņe ain arim manbâi. Hain bo akmâ âmâ hânġât kepia hain are bo amâ kepia bunņe himbimân tatmap are Anutuņe maknengim kalep ain manbaen dâm areġât lâmgom mali. ¹⁶ Lâmgom manbiâ Anutuņe kepia are yeņġât kalep are âlepņe ire amâ nânġât kâmot dâm damunyeņe akto hân are membiâ ârândâņ agep. Hân arekņe hân ire ewangimap are miawaknengiwiap dâm lâmgom mali. Areġât Anutuņe yâk yeņġât akmâ Anutuyeņe dâm agonakmapġât bo anun akmap.

Isaka akto Yakobo yetġât den.

¹⁷ Akto Abraham den makmâ hâriepġât yâk Anutuņe dop koep. Hin. Nanņe Isaka Anutuņe waņep are sumbe omberâm akmâ mem ariep. Areġât yâġġât biwi kat kat âlepņe miawagep are nânġâmaen. Akto nanņe Isaka are amâ luâk yânņe bo. ¹⁸ Anutuņe Abraham hin dâm maġaņep, “Nâņe Isaka ġiņân are amâ ġânġât kâmot are yeņġât hakuyeņe akbiap.” dâep. ¹⁹ Akto Abraham Anutuņe luâk momoņe momoņânba mem agat yekto golâ manmai are nânġâm Isaka mem sumbe omberâm ariep. Areġât luâk momoņânba agatmai Isaka dop hainâk alatanba sopanmâ agalep dâmaen.

²⁰ Akto hamiņân Abrahamġât nanņe Isaka arekņe biwiņe Anutugâlân kalep areġât nanlogâtņe Yakobo akto Esau wan me wan beirâ

miawakbiapgât den gulam makyetkiep. ²¹ Akto hamiñân Yakoboñe hainâk biwiñe Anutugâlân kalep, aregât momberâm akmâ huwanñe tânagum Anutugât kotñe mem agatmâ nanñe kotñe Yosepe yâkgât nanlogâtñe den gulam makyetkiep. ²² Akto hamiñân Yosepe hainâk momberâm akmâ Anutuñe Israe kâmot are Aigitawa oloñ yekbiap den are bunñe dâm ginbailupñe mombian dâm ikinje hagitñaet makyenñe.

Mosegât den.

²³ Akto hamiñân Mosegât eweñe memene biwiyetñe Anutugâlân kaliat aregât Aigita luâk humoñe Israe nanlupyene gurukñe yengumbiâ moñet dâep den are loñgaim nanyetñe Mose are ekbela huragumbo heambukbela yendo dewutâ âlâwu bo agep. ²⁴ Akto Mose amâ nanañân Aigita luâk humogât baratñande Mose amâ nâñgât nanne dâep. Dâ Moseñe humo akmâ are nâñgâm âmâ bo dâep. ²⁵ Bo dâm, “Anutugât kâmot Israe nengât bikñe umatñân manmai are olop manbaen.” dâep. Akto Aigita yengât agak meme bâleñe aregât ukene bo nâñgâm ginbailupñe penâyengiep. ²⁶ Akto Moseñe Kristogât akmâ ukene akto Israe gasalupyenande Mosegât keñe nâñgâm hâkâñe akmâ umatñe wañi. Hain akbiâ Moseñe hanâk dâm siân Anutuñe wan me wan wañbiapgât are amâ âlepñe dondâ, dâ Aigitagât sikum amâ yânñe dâminep. ²⁷ Hain dâm Aigitagât humoyene yâkgât kukgât bo hamep akmâ âmâ Aigita hepulep. Akto Anutu bo egekñe are nâñgâ añminep aregât Aigita hân akto sikum are hepun yekmâ ariep. ²⁸ Anutuñe ikinje añelo huñgun añdo gem Aigita yengât nanlupyene ulik

gulik are yengumbo moyi aregât nenguwop dâm emetyeje lamagât gilâm lapkoyi. Akto Moseje biwiyeje Anutugâlânâk kalep akto Anutuje wan magep are bunje dâm nângâm malep aregât hain agep. ²⁹ Akto sop ain Israe luâk Anutu bunje dâm nângâyi aregât Aigita hepunmâ haru Gilâm are hutjânba hâtikom âlepje arimbiâ âmâ Aigita gâtje arekje hainâk hâtikowerâm haru hutjân bam arimbiâ haruje kawut yekto moyi.

Yeriko ikinjak hogoakmâ agum awam agep.

³⁰ Akto haminân Israe luâk âmbâle biwiyeje Anutugâlân kali aregât kepia kotje Yeriko haot kârikje kâtje ketuguyi are gam ândeanbiâ hilâm bât biken lâuwâ bo agep. Bo akto ainâk biwiyeje kali aregât bunje haot humo tâmbâ are ikinjak patak agum awam agep. ³¹ Akto âmbâle dâp gulip malep kotje Rahaba arekje biwiyeje Anutugâlân kalep aregât Israe luâk lâuwâ togoyiat are gasaje meyelekbâi dâm mem heambuk yelegep. Rahaba hain agep aregât Israe luâk kepia âgâm Anutu hâkân agañmini are yengum âmâ Rahaba bo koyi.

Anutugât luâk bikje yengât den.

³² Wei, galama hakulupnenje dondâ biwiyeje Anutugâlân kali areyengâlân gâtje bikje hin Gideon akto Barak akto Simson akto Yepita akto Dawidi akto Samue akto Anutugât Propetelupje are amâ gain gain keiyeye kulemgowian sop bo aktâp. ³³ Luâk ya yengondân are amâ hân siâ siân âgâm ambolupje yengum meteyi. Akto luâk âmbâle bâleje denân katyekbiâ dosayeje miawak yengimbo aregât hâuje yengiyi. Akto Anutuje makto bunje dâm lâmgom kinbiâ

yengimbo mem mali. Akto Anutugât gasalupņande Anutugât luâk siâ bau metņe kotņe laion are hutyeņân panbiâ âmâ Anutuņe makņengiep are bunņe dâm kinbiâ bo neyegi. ³⁴ Akto Anutugât gasalupņande Anutugât kâmot luâk kâlâwân panyekbiâ gembîâ Anutuņe makņengiep are bunņe dâmbîâ bo oyegep. Akto gasalupyenande oreyekberâm agi ina âlepņe yân ariyi. Akto luâk bikņe yeukņe akbiâ Anutuņe makto kârikņe agi. Akto Gasalupyene togombîâ Anutuņe makto kârikņe akmâ gasalupyene yengum meteyi. ³⁵ Akto Anutugât kâmolân gâtņe âmbâle bikņe are yengât ginbailupyene biken mombîâ Anutuņe makto momoņânba agali. Akto Anutugât kâmolân gâtņe bikņe, “Siân Anutuņe momoņânba goaņnenekto manman âlepņe dondâ miawak nengiwiap.” dâm aregât gasalupyenande togom Anutugât pat hepunņet dâm hâk hilâlâm yengimbiâ borâm âmâ kârikņe akmâ manmâ âgâyi. ³⁶ Are yengâlân gâtņe bikņe gasalupyenande girin yengim bugâņe yenguyi. Akto tâk kârikņe kotņe sein arekņe hiko yekbiâ kala busi kâlegen tali. ³⁷ Akto bikņe âmâ gasalupyenande kât panmâ yenguyi. Bikņe gasalupyenande segeņe tepyene hâreyekbiâ pâņyene lâuwâ akto moyi. Me tâwâtņe yengumbîâ moyi. Dâ bikņande âmâ gasalupnenņande menenekbâi dâm bau hâkņe luguakmâ halângen heambukmâ bam gutmini. Akto bikņande mop mali akto sot me sâņgum me kotņe siâ siâ hârok bâlâk mop mali. Akto umatņe humo miawak yengiep. Akto luâk âmbâle yânņande yekmâ bâleņe akyengimini. ³⁸ Akto Anutugât kâmolân gâtņe ain

mali arekne hângât luâk âmbâle ewangi yegi. Akto areâk bo. Bikñande âmâ hân kamitñângen manmâ gimbâñân manmâ kât akto hân kâlegen mali.

³⁹ Luâk âmbâle arekne âmâ yân hain bo agi. Biwiyenje Anutugâlân kali aregât kârikñân kinmâ hain agi. Anutuñe biwi kat katyene are ekto ârândânâk agep. Aregât bunje hâmbâi membai. Dâ mali sopñân Anutuñe makmâ kalep are bo egi. ⁴⁰ Gârâmâ Anutuñe yâk yengât okot nângâm hin dâep, “Hâmbâi nângât kâmot biwiyenje nannaelân katbiâ tato are olop luâk âmbâle umatñân mali are olop manman âlepñân manbai.” dâep. Aregât hakulupnenñe luâk âmbâle umatñân mali arekne wan me wan aregât Anutuñe makmâ kalep are hânân bo mem manmâ moyi. Amâ hâmbâi tat tatnenñe miawakbiapgât dâm agi.

12

Yesuñe âi miep are nângâm hejngemgom hainâk akbaen.

¹ Galalupne, nengât hakulupnenñe biwiyenje Anutugâlân kali aregât keñe yu kulemgoân. Yâk âmâ hâk hilâlâm nângâm Anutugât âi memâk mali. Aregât nenâkai yâk yengât pat nângâm hainâk aknerâm wan me wannje biwinenñe mendo gemap are akto agak meme bâleñe hikom andânenekmap a hârok hepunmâ Anutugât âi kârikñeâk mem hâk hilâlâm nângâm âmâ bo hâkân akbaen. ² Hain akmâ Yesu yâkñe nengât biwi kat katgât agat meme mem miawakmâ hekat nengim ikinjak mem metiep are ekmâ hainâk akbaen dâm nângâm hejngemgowaen. Akto Yesuñe hâmbâi, “Ewene

olop himbimân tatetņe biwine heroņe akbiap.”
 dâm nâņgâep aregât lâwinân kombiâ hâk hilâlâm
 nâņgâm aregât hâkâņ bo agep. Akto girinĭ anĭ
 aregât bo hâkâņ agep. Are hârok lokom manmâ
 mondo Anutuņe mem oloņdo Anutugât tat tat
 bunņângen tatmâ manmap.

³ Galalupne, luâk bâleņande Yesu hain aganĭgât
 pat nâņgâm hain akmâ umatņe siâ siâ aregât
 bo hâkâņ akbei. Akto hinņe umatņe miawak
 yeņgimbo aregât Yesugât pat nâņgâm heņgemgom
 âmâ benņe biwiyene bo bâlimbo manmâ âgâwei.

⁴ Ye bâleņande kawutyekberâm akto âmâ kârikņe
 akmâ hâkyene membiâ kepilâ akto gilâmyene
 gembo moyi ye hainare boâk miawakyeņgiep.

Anutuņe orem miwindiknenekmap.

⁵ Galalupne, Anutugât den bikņe nananĭlupne
 dâm makyeņgimap aregât nelâmyeņgiep mon?

“Nanne Humoņe gugum miwindik gekberâmbo
 âmâ aregât hâkâņ bo akben. Akto Anutuņe
 hain bo akben dâm makĭņmâ guguwĭap âmâ
 hanâk âlepņe dâmenâ biwige bo bâliwiâp.

⁶ Akto Humoņe okot nâņganĭmap yâkgât
 ikinĭ kâmolân dewatiwiapgât hain akmâ
 heņgemgombo miwindik akmâ ikinĭaet nanņe
 konbiap.”

Hain tatâp are oyaņmâ umatņe miawak
 yeņgiwiawân hanâk dâm âi membiâ biwiyene
 bo bâliwiâp.

⁷ Akto nengât agak meme hin. Nananĭlupnenņe
 bâleņe akbâirâm bugâņe yeņgum miwindik
 yekmaen. Dop hainâk Anutuņe makto umatņe
 miawak yeņgimbo hin nâņgâwei, “Wei, ire âmâ

âlepņe, Anutuņe nan baratlupne dâm nengonmap aregât nengum miwindik nenektâp.” hain nâņgâm heroņe akbei. ⁸ Akto makmâ miwindik miwindik dop are luâk âmbâle hârok aknengimap aregât Anutuņe bo yeņgum miwindik yekmap âmâ benņe nanaņ kâit hainare akbai. ⁹ Akto areâk bo. Ewelupnenņe hânân manmai arekņe nengum miwindik nenekbiâ are âlepņe bo dâm hâkâņ agion aregât Ewenenņe otnenenņe damunņe akmâ manmap arekņe hain aknengimbo dowâk âlepņerâm bo hâkâņ akmâ âmâ mandenņe tân nengumbo heroņe akbaen. ¹⁰ Akto ewelupnenņe âmâ ukenyeņaet akmâ yogan aknengiysi gârâmâ Anutuņe âmâ nâ olop manmâ âgâwaigât âlepņe akņet dâm hain aknengimap. ¹¹ Akto Anutuņe nengum miwindik nenekmap aregât hâk hilâlâm nâņgâmaen gârâmâ Anutuņe nengum miwindik nenekmap dâm nâņgâenņe benņe siân nengât agak memenenņe âlepņe miawakto biwinenņe sândugewiap.

Nen kârikņe tiņtiņâk kinmâ tân aguwaen.

¹² Aregât bâtyeņe keiyeņe momoņe are heņgemgom kârikņeâk tâlim kinmâ ariwai. ¹³ Akto dâp bâleņe watbâigât keiyeņe damunņe akbei. Akto bam gutbai ain keiyeņe bâlimbo amâ dondâ bâliwopgât akmâ damun akbei.

¹⁴ Yeņe luâk âmbâle hârok gala akyeņgiwaigât akto agak memeyeņe Anutuņe ekto ârândâņ akmap aregât tân yeņgum hâwât agaņgiwei. Dâ agak meme âlepņe ârândâņ a bâlâk manmaiņe amâ Anutu bo ekbai. ¹⁵ Akto yeņgâlân gâtņe siâ Anutuņe damunņe akmap aregât kâmolân

gâtne Anutuņe okot akyeņgimap are mesokmâ tâpâkowopgât ikiye tân aguwîap. Akto kuk heņgân miawak yeņgimbo kalakņe kândârâņe pâtkombo potalakbiâ kuk heņgân sambelewopgât yeņe tân aguweî. ¹⁶ Akto yeņgâlân gâtne siâņe bâleņe maleņe akbopgât damun agaņgiwei. Me Anutu bâlâk manbai amâ Esausgât dop hainâk akbâi. Yâkņe âmâ eweņaet bāt samut bâiņe aregât hâkâņ agep. Hain akmâ sotgât nâņgâm emiņe ulilaņdo sot waņdo eweņande wan me wan niņbiap are âmâ giņbian dâm emiņaet makmâ kalep. ¹⁷ Esausgât keiņe nâņgâi. Yâk beirâ bāt samut bâiņe memberâmbo bo miawagep. Yâk han siâ akmâ ewum hâumgom indem umaliakmâ bo akto hepulep.

Nen Sioņ gimbâņân mete kalion.

¹⁸ Galama, ye âmâ gimbâņe mambâņe me kâlâpņe omap ain bo togoyi. Me hândâk hamandat me tânâk kaunmâ kindâp ain bo togoyi. ¹⁹ Yudagât hakulupyene Aigita hânânba togom gimbâņe siâ ain togom kili. Ain togom kinbiâ munņe humo akto den siâ nâņgâwâen dâm ulit hanokoak agi. ²⁰ Hain agi aregât Anutuņe hin dâep, “Luâk me âmbâle me bau me yo me wan me wan gimbâņe iren tâlimbo kât mem panmâ kombiâ moâk.” dâep. Den kârikņe are nâņgâmbiâ umatņe agep. ²¹ Hain akto hamepņe olowâk miawakmâ gambo Moseņe hin magep, “Nâ hamewakmâ sân sân mendân.” dâep. ²² Gârâmâ ye Anutuņe hain bo akyeņgiep. Ye âmâ irakņaet pat gimbâņe kotņe Sioņ ain togoyi. Ain âmâ Yerusalem kepia Anutu manman kârikņaet Amboņe yâkgât kepia ain

togoyi. Akto anelo dondâ himbimân manmâ herone akmâ manmai ye hârok yâk yengâlân togoyi. ²³ Akto uliknân manmâ gaep yâkgât kâmot âmâ kotyene himbimân kilep yâk yengâlân togoyi. Are akto luâk âmbâle Anutune mem kepilâyekto huraguyi yâk yengât otneyene yâk yengâlân togoyi. Are akto Anutu hân himbim Ambonande denân katnenekbiap yâkgâlân gai togoyi. ²⁴ Akto areâk bo. Yene Yesugât den pat âlepne kârikne agâkgât moep yâkgâlân togoyi. Dâ uliknân Abe teunande kondo mondo yâkgât gilâmñande magep. Dâ Yesune mondo yâkgât gilâmne âlepne arekne Abegât gilâmne ewangiep. ²⁵ Aregât Anutune makyengimbo bo hâkân akbei. Akto Anutune Mose maganjo hânân mali are den makyengimbo are hâkân akmâ hepuli aregât hâune umatne miawak yengiep. Dâ Anutu himbimân gâtñande nen maknengimbo hâkân aktenne âmâ hâune hamepne bâlene olowâk miawak nengiwiap.

Anutune nengât wan me wan kârikneâk nengiwiap aregât kotne mem hamep akbaen.

²⁶ Akto Anutune Sinai gimbanân Mose maganjep ain âmâ hân duwuj agep. Akto aregât kaknân hin dêep, “Magân a hâmbâi hainâk bâin dâre hân akto himbim duwuj akmâ bo akbiandat.” dêep. ²⁷ Anutune hain magep aregât keine hin. Yâkne, “Uliknân magân a hainâk bâin dâwian.” dâm makto hân himbim bo akbela benne wan me wan kârikneâk bo duwuj akbiap are miawakmâ tatmâ âgâwiap. ²⁸ Are âmâ nengât Anutune makmâ katnengiepgât magep. Galalupne, Anutune nengât wan me wan kârikneâk nengiwiap aregât kotne

mem hamep akbaen. ²⁹ Akto kâlâpņe siâ siâ hârok om metemap dop hainâk Anutunenņande hârok gulip nenguwiap aregât Anutugât hamep akbaen.

13

Sami den.

¹ Galalupņe, ye ulikņân gala kalakmini are hainâk kalakmâ manmâ âgâwei. ² Akto ulikņân lombo togombiâ luâk siâņe imâ luâk yânņe dâm tânyenņum âmâ aņelo tânyenņuep aregât nânğâm lombo yenğâlân togombiâ âmâ hanâk dowâk tân yenņuwe. ³ Akto bikņe kala busi kâlegen manmai areyenğât nelâm yenņiwopgât nen yâk olop kala busi kâlegen taten dâm nânğâm tân yenņuwe. Akto yenğâlân gâtņe bikņe gasalupyenņande bâleņe akyenğimbiâ hâk hilâlâm nânğâmai nen olop hâk hilâlâm nânğâmaen dâm dowâk tân aguwei.

⁴ Akto luâk âmbâle meakbaigât Anutuņe magep aregât âlepņe luâkņe âmbâi meyekbiâ ârândân akbiâp. Akto âmbâleņe luâk meyekbiâ ârândân akbiâp. Gârâmâ Anutuņe luâk âmbâle hanâk hanâk mem hepun hepun akmai are den âiân katyekto dosayenņe miawakto aregât hâuņe umatņe yenņiwip aregât luâk âmâ âmbenlupyenņe areâk meyekmâ manbai. ⁵ Akto Anutuņe hin dâep, “Nâ bo hepunyekbian akto bo hami yenņire yân manbai. Bo dondâ.” dâep.

Aregât puligât nânğâmbiâ humo bo akbiâp. Akto wan me wan tatyenņiâp are amâ ârândân dâm siâ me siâ bo egâlianņei. ⁶ Akto Anutuņe yu magep aregât Anutuņe kep kenņu siâ hin magep are memberen,

“Humonande tân nugumap aregât luâk
bâleņande menekberâm pâpkomai are yengât
bo hamep akbian.”

kep keņgu are kulengoep nen hain dâm
mendenņe biwinenņe bo hionakmap.

*Ulikņân aknengim miti maknengiyi areâk mem
Yesu watmâ manbaen.*

⁷ Akto yengât humomolupyenę Anutugât
den makyengimini areyengât biwi kat kat akto
agak memeyenę nâņgâm hain akbei. Akto
manmanyenę nâņgâm heņgemgowei. ⁸ Akto
Yesu Kristo are wan me wan ulikņân akminep
are hinņe hainâk akmap akto hilâmņe hilâmņe
hainâk akmâ manmâ âgâwiap. ⁹ Aregât luâk
siânbaņe yengâlân togom hin makyengiyi, “Sot
are bo nembiâ âmâ Anutuņe meyekbiap me
sot ire nembiâ ârândân akbiâp.” dâmbiâ âmâ bo
nâņgâyenęiwei. Aregât hin makyengire nâņgâņet.
Sot siâ me siâņe biwinenņe bo tângomap aregât den
bâleņe are hepunmâ Anutuņe okot âlep nâņgâm
damun nenņe akmap are nâņgâmbiâ biwiyenę
kârikņe agâk. Togoyi are amâ sotņe biwiyenę bo
tânyenęuep aregât denyenande nen oloņ nenekbop
dâm bo nâņgâyi. ¹⁰ Nengât sumbe âmâ bunņe.
Dâ mâron uligi ain âi mem maliņe âmâ nengât
sumbe kat katņânba wan me wan siâ membaigât
dâp bo tatyenęiâp. ¹¹ Aregât keiņe hin. Sumbe kat
kat luâk sonęo gilâmņe katmai. Hain akbiâ âmâ
sonęo hâkņe luâk me âmbâle dosayenę bo agâk
dâm âmâ kepia hâkņâņgen ombiâ bo akminep.
¹² Dop hainâk luâk bikņande Yesu mem kepia
hâkņâņgen lâwinân kombiâ moep. Akto Yesuņe

are âlepņe dâm nunaet kâmot gilâmņande hen gem
 yeņguwiap dâm kepia hâkņângen arimbo kombiâ
 hâk hilâlâm nâņgâm moep. ¹³ Aregât Yesu kepia
 hâkņângen kilep ain giriņamâ sârek koyi nenâkai
 hainâgâk kepia hâkņângen kinmâ aņun kakņân
 manbaengât bo hâkâņ akne. ¹⁴ Hain akmâ kinmâ
 kepiannenņe kârikņe in bo tatnengiâp dâm kepia
 âlepņe siân miawaknengiwiap aregât lâmgom
 manmâ hannenņande owâim manbaen.

¹⁵ Akto Yesuņe tân nengumbo Anutugât sum-
 begât akmâ kotņe mem agatbaen. Hain akbaen
 âmâ benņe nen Yesu humonnenņe nen yâkgâlân
 gâtņe dâmaen den are bunņe akto ârândâņ ak-
 biap. ¹⁶ Luâk me âmbâle siâ âlepņe agaņmâ wan
 me wan tân yeņgumap are potatmâ bikņe wanbai
 aregât ukenņe nâņgâwei. Hain akbai aregât agak
 meme are Anutuņe imâ sumbegât dopņe dâm
 ekmâ âlepņe dâwiap.

¹⁷ Kâmotlupyene damunyeņe akmai yâk yeņgât
 lau lokom amukyengân manbei. Yâkņe âmâ âi
 mesokmâ membiâ yeņgât biwiyene bâlimbo âmâ
 aregât keiņe Anutu enemņân makmâ miawakbai.
 Aregât yeņgât akmâ âigât ukenņe nâņgâwai. Dâ
 âigât hâkâņ akbai amâ bo tânyeņguwai.

¹⁸ Akto biwinnenņe owâiņe akmap aregât
 hokboâk hokboâk nenņe agak meme âlepņeâk
 mem manne dâmaen are akbaengât yeņe nengât
 ulilaņbei. ¹⁹ Ulityeņande tân nugumbiâ Kemuņe
 mem purikatnekto yeņgâlân togowiangât
 kârikņân makmâ kârigeân.

Anutu ulilaņep.

²⁰ Akto galalupne, yengât Anutu ulilandere Anutugât kuk bo akto damunnenne akto biwinenne sândukne akmap, yâkne damun akto Humonenne Yesu are den pat âlepne kârikne akmâ âgâwiapgât gilâmne gembo moep are momonânba mem agalep. Mem agatmâ, “Nângât kâmot damunyenje akben.” dâm makmâ kalep. Aregât ye meme akyengim tânyengumbo laune lokom ²¹ wan me wan egâlianmap are mem manbiâ ârândân agâk. Akto wan me wan yenje aknet dâm egâlianmap are Yesu Kristogât akmâ meme akyengimbo membai. Aregât kotge sopne sopne mem agatbaen. A bundâk.

Den bâine.

²² Galalupne, okotyene akmâ biwiyene kârikne agâkgât kulem esenne ire kulemgoân imâ bo ekmâ hâkân akbei. Amâ kâlep bo. Ire oyanmâ nângâm hengemgowe.

²³ Akto tembe lokoje makto Timoteo kala busi kâlegenba sopanmâ âlepne mandâp. Akto yâkne togom penâninbiap âmâ âlepne netje togom yekbaet. ²⁴ Akto humomolupyene akto luâk âmbâle hârok lokom manjan yekbei. Akto ire âmâ luâk âmbâle Italia hânânba togoyi arekne yengât okotyene nângâmai are nângânet dâm yu kulemgoân. ²⁵ Akto Anutune okotje akyengim damunyenje agâk dâm ulilandân. A bundâk.

Yusugât Pat Âlep Den
The New Testament in the Timbe Language of Papua
New Guinea
Nupela Testamen long tokples Timbe long Niugini

copyright © 1987 Wycliffe Bible Translators, Inc.

Language: Timbe

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 22 Feb 2024 from source files dated 31 Aug 2023

03f82704-6ad1-5094-a78e-e240d9f2d4f8